



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071

Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

৯ নভেম্বর ২০০৬

অনভিবাসী মার্কিন ভিসা দেওয়ার ফি উঠে গেল

কলকাতা -- মার্কিন ভিসা পাওয়ার খরচ এক লাফে কমে গেল। এখন থেকে কোনও ভারতীয় নাগরিককেই আর অনভিবাসী ভিসা আদায়ের জন্য নির্ধারিত ২৩০০ টাকার (৫০ ডলার) 'ইস্যুয়েন্স ফি' দিতে হবে না। ভারতে মার্কিন রাষ্ট্রদূত ডেভিড সি মালফোর্ড আজ নয়াদিল্লিতে এই কথা ঘোষণা করেছেন। নতুন ব্যবস্থা অবিলম্বে কার্যকর করা হয়েছে। এর ফলে মার্কিন ভিসা পাওয়ার খরচ ৩৩ শতাংশ কমে গেল।

মালফোর্ড বলেন, “মার্কিন ভিসার ফি অবিলম্বে কমানোর কথা ঘোষণা করতে পেরে আমি আনন্দিত। আশা করব এর ফলে এখন থেকে আরও বেশি সংখ্যক ভারতীয় ব্যবসায়ী ও পর্যটক আমেরিকায় যেতে উৎসাহিত হবেন।”

ভিসা আবেদনকারীদের অবশ্য ভিসার সাক্ষাৎকার চাওয়ার আগে এইচডিএফসি ব্যাঙ্কের নির্ধারিত শাখাগুলিতে ৪৬০০ টাকা (১০০ ডলার) আবেদন ফি জমা দিতে হবে। উল্লেখ্য, ভিসা সাক্ষাৎকারের বকেয়া দূর করতে মার্কিন দূতাবাস সম্প্রতি বিশেষ কিছু পদক্ষেপ নিয়েছে। নয়াদিল্লির মার্কিন দূতাবাস এবং কলকাতা সহ মুম্বই ও চেন্নাই কনসুলেটে চাইলেই এখন অনভিবাসী ভিসার জন্য সাক্ষাৎকারের দিনক্ষণ পাওয়া যাচ্ছে।

সংশোধিত ফি-এর পরিবর্তিত নির্দিষ্ট হার এবং মার্কিন ভিসা ও কনসুলার পরিষেবা সম্পর্কে বিশদ বিবরণ কনসুলেটের এই ওয়েবসাইটে -- <http://calcutta.usconsulate.gov/> অথবা ভিএফএস-এর ওয়েবসাইটে -- <http://www.vfs-usa.co.in> পাওয়া যাবে।
